



肺生壞體嘍吡咖




肺胞膜發炎積水或膿之圖




肺胞膜積氣及水圖

肺本體發炎至將轉機既轉之熱度圖



管氣總



內傷肺成膿窠之圖

西醫內科全肺部各症例言

一是書所稱肺體或肺膜或肺氣管發炎卽中土所謂肺熱

一是書所稱生壞體嘔吡咖乃言肺體腐壞而成其形如白珠

經驗爲內傷之根原

嘔吡咖
西音還出

一所稱生牛乳餅亦爲肺體腐壞而成其形如豆腐乳亦經驗
爲內傷之始基

一凡肺內各等腐損形質乃經醫者用化學覈其痰內見其形
質如是並於死後割驗亦見其形質如是

一是書所稱吐血與胃部嘔血不同胃部乃因胃熱或生癰生
瘡生瘤血由胃嘔出此則因肺熱肺脈管損破血由肺嗽出

故不同閱者記之

一是書所稱氣管每分三等一總氣管在正面附於喉嚨故亦名喉管二左右大氣管佈於左右兩葉由是卽分無數微管名曰微絲氣管

一是書所稱察驗胸前聲狀乃言醫者用手按其胸前拍聽之或以聞症管聽驗之可以公辨其內患變如何

一卷中每多互相發明之處閱者須統閱全書並參及西醫五種全體闡微西藥畧釋化學初階等書自可了然倘隨揀一篇六畧觀之誠恐語多未明

西醫內科全書肺部各症目錄

鐵嶺孔慶高繼良氏筆譯

美國嘉醫士約翰氏校正

卷上

肺胞膜發炎

肺胞膜積水

肺胞膜積氣與水

肺本體發炎

肺體脈管血塞發炎

肺氣管與肺體並炎

卷中

論內傷癆症

內傷癆瘵

分論內傷新症

卽百日癆

肺生牛乳餅癆症

肺連網發炎肺生壞體癆症

總論拍聽胸前聲狀

吐血症

肺積血兼積水症

肺收縮症

肺變死症

肺生水泡蟲症

卷下

氣管內皮發炎

氣管內皮生舊炎

氣管內皮生假皮

哮喘症

聲管內皮發炎

聲管內皮發舊炎

聲口腫脹

聲口扯筋

小兒聲管發炎生假皮急症

鼻內皮發炎

流鼻血

西醫內科全書肺部各症卷上

肺胞膜發炎 症分新舊兩等有自起而成亦有別症牽累所致者學醫者細辨焉可也

病原 自起者乃因傷風卽身煖出汗時被冷風所吹之故少壯多而老較少故自起者少而因別症牽累者多卽如肺本體先發炎累及胞膜亦發炎若肺氣管內皮與心胞膜發炎及血團累肺發炎膿串內肺發瘡等皆可累成此症有時本症之炎狀更重於彼症之炎者有因脇骨傷裂或生膿瘡與肝生膿瘡而累及肺胞膜發炎者或謂凡炎症因別症連累而起者其病原在血凡血內有熱毒經留於此處則必起炎試觀骨節腫痛

酒風脚、內腎壞、生毒瘤、與小便有糖、及一切癰、麻、痘、疹、各炎、可知其原、皆由血有熱毒所發者也、

察臟腑之壞 凡發炎必有明汁、而明汁薄者成衣、厚者成皮、

或如肉絲、茲肺胞膜發炎、該處必有明汁衣黏連、故令裏面粗澀不滑、且時離時合、或如膠之固結、裏面異常厚重、倘有積水、則所離之明汁衣、浮動於積水之內、或與水相融、會變如牛乳、或腐變如油、倘明汁能自散開、則症可愈、如不散、則漸乾、必與胸、部、骨、肉、相、連、黏、緊、○此症臟腑之壞三等、一、內積水將肺壓窒、二、積膿不出、肺因之腐壞、三、無水無膿、而明汁漸乾、與別處黏連、按胞膜發炎積水、不獨胞膜阻抑、水多肺本體被壓功用

亦失初時其水無多只阻窒其肺及水積脹肺被壓實不能翕放若水墜底則肺浮於上水在上則肺被逼於後於是翕放不能自如吸入之氣日少久則全逼於後其體壓逼色變灰藍或粉紅全體大如一掌且微硬內無氣血或有明汁衣包於外者或爲明汁分裹黏連於脊骨者焉○亦有胞膜積膿者若積多久不能散則必令其肺腐壞亦有由氣管穿孔而咳出者亦有向外穿破流出者皆可愈有至死而此膿在內末由穿流出外者

舊症乃由新症久不愈而成其臟腑之壞固與新者不同蓋其明汁衣甚厚將肺與別處黏連結實甚則逼歪其肺肺與脇骨

西醫內科全書
間明汁灌滿若胞膜積水者則肺必被逼不能吸氣卽數月一年亦不散或積久始能散者故謂舊症也

病狀 肺胞膜發炎病狀常分數等其炎狀乾者則屬最輕爲病始發寒微熱或不見熱脇痛氣喘或無喘而脇痛斷不能免呼吸不安者或可於一兩日平復無事祇見脇痛者則不甚苦病人可以起坐行動惟察胸次覺呼吸略短因畏痛呼吸若中止坐立彎腰以就之不然則肋猛痛不舒起病兩三日內聽察其胸內覺肺內搓抹有聲蓋因胞膜發炎故呼吸致肺體有搓抹之聲狀氣停則止若聲壯而長其聲狀彌覺易察焉

肺胞膜發炎乾者其將來病勢分爲二一散而自愈一明汁黏

連成患若散時脇痛日退而肺內之聲亦減至無聲則愈矣
黏連者每多在脇部或氣管之下相黏蓋曾割驗每於此處見
一癥卽明汁長厚而成牽扯肺體不能舒縮者卽此癥也○其
積水者初起病狀與上相同發冷發熱脇痛或連日熱不退或
每日一次肺之病狀於身熱初起數日內不甚覺之亦有脇痛
而內卽生水者其身熱接連晚間微減至第八日起首有水時
則始退若日日兼發冷者必其積水變膿或肺有內傷况身熱
無定不能藉以辨症然常在寒暑針一百零一至零四度過此
者甚少脇痛甚類針撇每呼吸咳嗽翻身運動痛頻加其疼痛
或在胸之上下或大氣管之下腋下肋縫等處約一二指之寬

若非猛痛則必積脹抑悶痛之期候亦無定準有三四日而止有止而復作者亦有至病愈乃息者痛狀酷卽知炎患甚劇氣緊必有痛倍作呼吸愈促故也察其睡狀先側臥無積水之脇乃安至水壓肺之後則又側臥於患炎之脇轉覺略舒至水壓肺甚不能睡仰靠乃可乾噎咳嗽多於起病時見之亦肺內積抑所致也至脇痛每苦咳嗽畏痛不敢咳及至積水時無乾咳或起痰嗽或吸氣稍長或翻身則積水湧動自生痰嗽自覺精力日減兼腦部受病者則面無潤澤渾身軟弱色白如紙其小便短少赤而濁重者皆病重之狀也

起止病期 肺胞膜發炎期無一定亦非如肺本體發炎而忽

有轉機，但病屬緩起，則易治愈，期甚遲。初起於四五日內，身熱緩緩而加，如是又歷八九日內，身熱不增不減。從初起至十二三日，肺胞膜漸積有水，身熱漸退，脇痛亦漸減，氣亦漸平。倘或積水過多，將肺壓窒，則氣緊更甚，其水則以一二日至五日乃滿溢而始消散。於兩三日內，初散甚速，續後從漸而消，水漸消，則病漸愈。彼處之聲狀亦如常，肺之運動漸次復原，胃日加，精神日健，則可斷其炎亦漸愈。小便轉清長，則已在全愈之候。惟其明汁日久，乃能消盡，有經數月，或一二年乃消盡者。○此症於轉愈未全愈之期內，間有復發之者，其身熱呼吸不安各狀皆起，每因復發之後，明汁不能消散，阻肺之運動者，成爲舊症。

亦有復發後明汁速散而愈者。○其內之水約廿五日至三十日尙未散動者必成舊症。亦有積水在內而身體無甚碍者。○亦有突變沉重身熱頻加一兩日卽加至原症第一兩個禮拜之盛甚或有過之者先惡寒繼發熱熱後發汗面容憔悴舌乾四肢困乏此上日炎處發明汁者今則轉爲發膿之故耳。○此症之結局有三等一自散而愈一轉舊症一不治其新症無牽累別部者則約以兩禮拜至遲亦不過四禮拜而不治者必於兩禮拜內死之。○患炎處累及未炎之肺體忽腫亦屬危殆積水多少卽定其愈之遲速能早愈者積水甚少若積水多明汁亦盛總須數月方能消盡也。○凡舊症每由新症轉成然亦有

自起爲舊者焉。病狀與新症無少異。惟各事較輕而已。其身熱脇痛皆無新症之甚。察聽其胸脇各處聲狀。與新症無異。惟病期則久。由兩三箇月至數年者亦有之。其積久之水或膿。恆難盡。胸被湧逼至欹斜者。肺永不能復回原位。其在外自穿。或爲醫者針破。而膿往外流者。恆可減其危殆。不然則其膿久積於內。必串貫內腑別部。因而轉成內傷。蓋肺胞膜新炎常轉爲舊症。舊炎每易轉而成癆症也。○此症延累甚廣。常波及心胸膜發炎。其明汁又可黏連別處。爲害甚巨。肺本體固自受病。非止曰連累者也。然肺體尙有炎患未及者。恐此處亦受累。炎腫則危重難治。且不止炎腫。更有一兩處積血之患。則誠可畏也。其

西醫內科全書
最要而難覺者、乃轉內傷一事、或因內起壞體、嘔吐、或因與別處黏連、阻其肺不能運動、皆內傷之基也、

辨症 肺胞膜發炎有積水者、其肺體形狀與被瘡瘤擁歪者、最應察別、而肺本體發炎、與此症不同之狀、須察聽其胸脇各處而細辨之、此症則發寒數日、而肺體炎則祇一日、極少過兩日者、此症脇痛限於一二指之濶、而肺體炎則痛散滿脇、此症發熱必接連不退、而彼則有限期、每於起後第五日至十一日內、必有轉機、而發熱盡退、此症之病期則無限、而彼則有定、且此症所咳出者、祇屬痰涎、而肺體炎所咳有血、若遇肝生瘡將肺擁上、或於此處生瘤、則又可疑惑、雖察聽亦不能分別、必須